

ԱՐԵՎԵԼՅԱՆ ՀԱՅԱՍՏԱՆԸ ՀԵՂԱՓՈԽԱԿԱՆ ՆՈՐ ՎԵՐԵԼՔԻ
ՏԱՐԻՆԵՐԻՆ (1910—1914)

1. ՍՈՑԻԱԼ-ՏՆՏԵՍԱԿԱՆ ԴՐՈՒԹՅՈՒՆԸ

XX դարի սկզբին ճգնաժամ ապրող Ռուսաստանի տնտեսության մեջ 1909—1910 թվականներից նկատելի աշխուժություն սկսվեց: Առանձնապես արագ զարգացավ երկրի ծանր արդյունաբերությունը: 1909—1913 թթ. չուգունի արտադրությունն աճեց 66 տոկոսով, պողպատինը՝ 68, քարածխինը՝ 40, իսկ ամբողջ արդյունաբերության արտադրանքը՝ 50 տոկոսով: Ընդարձակվեց նաև երկաթուղային ցանցը, Միայն երեք տարվա ընթացքում (1910—1913) կառուցվեց 3200 կմ երկաթուղային ճանապարհ, որը նոր թափ հաղորդեց ապրանքաշրջանառությանը: Երկրի արդյունաբերության մեջ զնալով աճեց մոնոպոլիստական միավորումների թիվը և 1905 թ. 30-ից նրանց քանակը 1913 թ. հասավ 230-ի:

Զարգացում ապրեց գյուղատնտեսությունը, ավելի ներքաշվելով շուկայական հարաբերությունների մեջ: 1909—1913 թթ. ընթացքում Ռուսաստանից միջին հաշվով տարեկան արտահանվում էր 12 միլիոն տոննա հացահատիկ: Գյուղատնտեսության մեջ զգալիորեն ավելացավ նաև օգտագործվող մեքենաների քանակը:

Տնտեսական առաջընթացն ակնբախ էր նաև Անդրկովկասում: Վրաստանում ու Ադրբեջանում զարգացավ լեռնահանքային արդյունաբերությունը, բացվեցին մի շարք արդյունաբերական ձեռնարկություններ, որի շնորհիվ աճեց պրոլետարիատի թվաքանակը. առաջագիմեց նաև գյուղատնտեսությունը և ավելի խորը ներքաշվեց շուկայական հարաբերությունների ոլորտը:

Նկատելի տեղաշարժեր կատարվեցին նաև Արևելյան Հայաստանի տնտեսության մեջ: 1910—1913 թթ. պղնձի արտադրությունը 278271 փթից հասավ 371411 փթի: Պղնձից բացի, հանքանյութի մշակության ժամանակ ստացվում էր արծաթ, կապար, ծծմբաքար և նույնիսկ ոսկի. վերջինս ստանում էին բացառապես ֆրանսիացիները՝ էլեկտրոլիզի միջոցով:

Հայաստանում լեռնարդյունաբերության կարևոր ճյուղերից էր աղի արդյունաբերությունը: Աղը առարկում էր ոչ միայն Վրաստան ու Ադրբեջան, այլև Թուրքիա: Բացառությամբ Սուտինի աղահանքի, մյուսները պետական

¹ Տե՛ս «Кавказский календарь на 1910 г.», ч. IV, стр. 561—562, 1913 г., ч. IV, стр. 388—390.

էին՝ վարձակալության տրված կապիտալիստ Զանփուղյաններին։ Հետագայում նրանց կողքին երևացին նոր վարձակալներ՝ Հանձին Սելյանովի, Փրիդոնյանի և Բրոդսկու։ 1910 թ. Երևանի նահանգի և Կարսի մարզի հանքերից արտադրվել է 1436881 փութ աղէ։ 1912—1913 թվականներին արտադրանքը որոշ չափով նվազում է։ Շուկայի սահմանափակ պահանջները խոչընդոտում էին աղի արտադրության արագ զարգացմանը։ «Կովկասյան օրացույցի» տվյալներին համաձայն 1910 թ. Հայաստանում աղի արդյունաբերության մեջ աշխատում էր 126 մարդ։ 1914 թ. արդյունաբերության այդ ճյուղում զգալի աշխուժացում է նկատվում։

Կոնյակին արդյունաբերությունից հետո իր տեսակարար կշռով երկրորդ տեղն էր բռնում սպիրտի, կոնյակի արդյունաբերությունը, որը կենտրոնացած էր զլխավորապես Երևանում և մասամբ էլ նահանգում։ Արտադրության այս ճյուղի զարգացումը կապված էր խաղողագործության հետ։ 1910 թ. Երևանի նահանգում եղած 9742 դեկտարին այդուց խաղողի բերքը եղել է 4.759.970 փ., որից ստացվել է 2.725.5 հազար դուլլ գինի և 9.979,7 հազար աստիճան խաղողի սպիրտ։ Կոնյակային սպիրտ, որ արտադրվում էր նահանգում գտնվող մեծ ու փոքր 13 գործարանում, ստացվել է 4.766.663 աստիճան։ Ամբողջ Անդրկովկասում նույն տարում արտադրվել է 4.799.463 աստիճան կոնյակային սպիրտ⁴։

1913 թ. կոնյակային սպիրտի արտադրությունը Անդրկովկասում գործող 24 գործարաններից կազմել է 8.517.248 աստիճան, որից Երևանի նահանգում միայն ստացվել է 6.738.626 աստիճան, նույն տարում Անդրկովկասում գործող 11 ռեկտիֆիկացիոն (կրկնազտիչ) գործարաններում ստացվել է 24.345 աստիճան անջուր (մաքուր) սպիրտ, որից Հայաստանի երեք գործարաններում՝ 6.145.6-ը աստիճան⁵։

1913 թ. Հայաստանում ստացվեց 5.336.700 փութ խաղող, մեկ դեկտարինից՝ 350 փութ։ Նախապատերազմյան տարիներին մեկ դեկտարինից բերքատվությունը միջին հաշվով հասնում էր 270—280 փթի։

Արևելյան Հայաստանի կոնյակի արտադրությունը շարունակում էր մնալ հիմնականում Շուստովի ձեռքին։ Նրա գործարանների կոնյակը, որ երբեմն «Արարատ» մականիշով էր վաճառահանվում, մրցությունից դուրս էր։

Հայաստանի սպիրտը և կոնյակը արտահանվում էին Պետերբուրգ, Մոսկվա, Վարշավա, Կուրսկ, Ռիգա, Բաթում, Քիֆիս, Բաքու, Ելիսավետպոլ, ինչպես նաև Պարսկաստան։ Սպիրտի և կոնյակի արտադրությամբ Հայաստանը ամուրի դիրքեր զբաղեցնում ուսական շուկաներում, մասնակցում էր համաշխարհային ապրանքաշրջանառությանը։ Կոնյակը, կոնյակային սպիրտը ստացվում էր միայն բարձրորակ գինուց՝ բացառապես գործարանային մշակության եղանակներով։

Շարունակվում էր նաև բամբակագործության զարգացումը։ 1910 թ. Երևանի նահանգում ստացվել է ամերիկյան տեսակի 325.854 փ., կարակոզ տե-

² ՏՆ՝ «Кавказский календарь на 1910 г.», ч. IV, стр. 567—562, 1912 г., ч. IV, стр. 296, 1913 г., ч. IV, стр. 401, 1914 г., ч. IV, стр. 217—219, 1915 г., ч. IV, стр. 236.

³ ՏՆ՝ «Кавказский календарь на 1912 г.», ч. IV, стр. 296, 1913 г., ч. IV, стр. 401.

⁴ ՏՆ՝ «Кавказский календарь на 1912 г.», ч. IV, стр. 261—262.

⁵ ՏՆ՝ «Кавказский календарь на 1913 г.», ч. IV, стр. 317—318.

սակի՝ 35.740 փ., ընդամենը 361.594 փ. բամբակ⁶։ Մեկ դեպատինից ստացվում էր մոտավորապես 16 փութ բամբակյան տեսակի բամբակ, որի մեկ փթի արժեքը 14 ռուբլի էր, կարակոզ տեսակի մեկ փթինը՝ 10—12 ռուբլի։ 1912 թ. Երևանի նահանգում ցանվել է 23.145 դեպատին բամբակ, որից ստացվել է բամբակյան տեսակի 426.249 փ., կարակոզ տեսակի՝ 41.403 փ., ընդամենը 467.652 փ.⁷։ 1913 թ. հավաքվել է 613.000 փ.։ Ամբողջ Անդրկովկասում բամբակ ստացվել էր 1.793.000 փ.։ 1914 թ. Երևանի նահանգում բամբակ մթերվել է 700.000 փ.։ Անդրկովկասյան բամբակի հիմնական սպառողը դարձյալ ռուսական շուկան էր։

Պատերազմի նախօրյակին Երևանի նահանգում կար բամբակի մամլման 19 սարք(պրես), յուրաքանչյուրը 10—60 հազար փութ արտադրողականությամբ։ Այդ տարիներին Երևանի նահանգի բամբակագործական կարևոր ձեռնարկությունները պատկանում էին Եղիազարովին, Գևորգյան և Աֆրիկով եղբայրներին, Հաջի Իրզա Կյալամովին և այլոց։

Ինչպես ողջ Անդրկովկասում, այնպես էլ Երևանի նահանգում գործող բամբակազտիչ ձեռնարկություններից ոչ բոլորն էին գործարանային բնույթի։ Նրանց մեծ մասը աշխատում էր նավթի այրման, ջրի, ձիու ուժով, Իրենց պարզունակ կառուցվածքով, ցածր արտադրողականությամբ, սպառարկող փոքր անձնակազմով զրանք մանրապրանքային տիպի ձեռնարկություններ էին։ Անհամեմատ մոտ էին գործարանային ձեռնարկություններին գոլորշու ուժով աշխատող բամբակազտիչ ձեռնարկությունները։

1912 թ. Երևանի նահանգում կար նավթով աշխատող 108, գոլորշիով՝ 33, ջրով՝ 153, ձիու ուժով՝ 24, ընդամենը 328 բամբակազտիչ ձեռնարկություն, որոնց արտադրանքը կազմում էր 429.789 փութ⁸։

XX դարի սկզբներին Հայաստանում կային տասնյակ մետաքսափաթաթման և մետաքսագործական ֆաբրիկաներ ու տնայնագործական արհեստանոցներ։ Ղափանի մետաքսափաթաթման ձեռնարկությունում սեզոնային աշխատանքի էր ընդունվում մինչև 170 մարդ։ Այդ ֆաբրիկայի կոկոն փաթաթող 40 զազգահներն արտադրում էին օրեկան մեկ փութ մետաքս։ Այստեղ վերամշակվում էր նաև Պարսկաստանից բերված հումքը⁹։

Հայաստանի քաղաքներում և գյուղերում կային հարյուրավոր մանր ու միջին արհեստանոցներ ու տնայնագործական ձեռնարկություններ։ 1908 թ. Երևանի նահանգում եղել է այդպիսի 3183 «ֆաբրիկա-գործարան» 1.749.951 ու դրամական շրջանառությամբ և 6632 բանվորներով, իսկ 1910 թ.՝ 3642 ձեռնարկություն, 2.224.367 ու շրջանառությամբ, 10.306 բանվորով¹⁰։

Ֆեոդալական հարաբերությունների քայքայման, գյուղացիության հողագործությունից կտրվելու ու արդյունաբերությանը հարելու պրոցեսները նպաստում էին քաղաքների դարգացմանը և քաղաքային բնակչության աճին, որն արտահայտվում է հետևյալ թվերով¹¹։

⁶ Տե՛ս «Памятная книжка Эриванской губернии на 1912 г.», ч. IV, стр. 4.

⁷ Տե՛ս նույն տեղում, 1914 г., ч. IV, стр. 5, 6, 189.

⁸ Տե՛ս «Памятная книжка Эриванской губернии на 1914 г.», ч. III, стр. 186—190.

⁹ Տե՛ս В. А. Дарьян, Шелковая промышленность Армянской ССР, Ереван, 1956, стр. 159.

¹⁰ Տե՛ս «Памятная книжка Эриванской губернии на 1912 г.», ч. IV, список № 4.

¹¹ Տե՛ս «Кавказский календарь на 1899 г.», отд. стат., стр. 35, 36, 39, на 1912 г., отд. стат., стр. 237, 243, 244, на 1915 г., отд. стат., стр. 253, 257.

Վայրերը	1886 թ.	1897 թ.	1910 թ.	1914 թ.
Երևան	14,738 մարդ	29,033	32,369	29,366
Ալեքսանդրապոլ .	24,230 >	32,018	34,603	51,316
Կարս	3,939 >	20,891	35,732	30,086
Նոր Բայազետ . .	7,488 >	8,507	10,421	13,290

XX դ. սկզբներից սաստկացող սակավահողության պատճառով գյուղացիության արտահոսքը ընդունեց մասսայական բնույթ: Գյուղացիները գնում էին թե՛ ժամանակավորապես, թե՛ ընդհանրապես, կտրվելով հողագործությունից ընդմիշտ: Ընդ որում վերջիններիս թիվը հետզհետե ավելանում էր:

1912 թ. Երևանի նահանգի միայն շորս՝ Ալեքսանդրապոլի, Նոր Բայազետի, էջմիածնի և Երևանի գավառներից արտագնացության էր մեկնել 14,830 մարդ, որից 890-ը՝ արտասահման, 1913 թ. նույն վայրերից մեկնել էր 23,492 մարդ, որից 1927-ը՝ արտասահման¹²: Ժամանակի հայկական մասնույր ողբ էր բարձրացնում՝ նահապետական գյուղի քայքայումը տեսնելով:

«Ո՛ր բարով այդպես,— գյուղացիներին է դիմում վշտահար հայ մտավորականը,— ո՞ր ես թողել հողդ ու ջուրդ, հանդդ ու արտդ, բախտդ ու ալգիդ և պանդուխտի մախաղը մեջքիդ կապած, գավազանը ձեռքիդ՝ վազում հայ գյուղացի...

Միթե դու կարծում ես, թե հեռուն, այնտեղ սարերի և ծովերի ետևում մեծ-մեծ քաղաքների ու գործարանների մեջ ոսկին ու արծաթը փռած են ու դու գնալով այնտեղ փեշով պիտի հավաքես...

Դարձեք այդ կորստաբեր ճանապարհից»¹³:

Սակայն որքան էլ «կորստաբեր» լինեք արտագնացությունը, ֆեոդալական մնացուկների վրա հանգչող գյուղացիական տնտեսությունների քայքայումը, հասարակության զարգացման ճանապարհին, առաջադիմական քայլ էր: «Բնակչությանը հողագործությունից դեպի քաղաքները գրավելու նման՝ ոչ-հողագործական արտագնացությունը պրոգրեսիվ երևույթ է ներկայացնում իրենից,— գրում է Վ. Ի. Լենինը,— նա պոկում է բնակչությանը հեռավոր, հետամնաց պատմության կողմից մոռացված խուլ անկյուններից և ներգրավում է նրան արդի հասարակական կյանքի հորձանուտի մեջ»¹⁴:

Գյուղացիների քայքայման ցուցանիշ էր նաև նրանց անասունների զվաքանակի անկումը: Իսկ ծանր հարկերը, որոնք հաճախ կլանում էին տնտեսության ընդհանուր եկամուտների մեծ մասը և բնական պատահարները՝ սովը, երաշտը, անբերրիությունը՝ որպես պատուհաս, մշտապես կախված լինելով գյուղացիների զվիսին, աղքատության դուռն էին հասցնում նրանց:

Հայաստանում ոռոգելի հողերը մեծ տարածություններ չէին գրավում, որի հետևանքով և գյուղատնտեսական մթերքների արտադրությունը խիստ ցածր էր: Տնտեսության ինտենսիվ զարգացման զգալիորեն խոչընդոտում էր նաև հողի շատ բարձր վարձագինը, որի պատճառով էլ հողամշակությունը տար-

¹² Տե՛ս Ս. Աբելյան, Население Армении, народное хозяйство Закавказья, № 17—18, Тифлис, 1929, стр. 106.

¹³ «Մշակ», 1912, № 80:

¹⁴ Վ. Ի. Լենին, Ելժ, հ. 3, էջ 731:

վում էր գերազանցապես պապենական եղանակներով, ուստի բնորոշ է, որ Հայաստանում երկրագործության մեջ XX դարի սկզբին կատարելագործված գործիքներն իրենց քանակով բացարձակապես զիջում էին պարզունակ արտագրողական միջոցներին: Այսպես, 1909 թ. Կարսի մարզում օգտագործվում էր 18500 արոր և ընդամենը՝ 2472 երկաթե զութան, իսկ Երևանի նահանգում 1912 թ.՝ 62800 արոր և 6532 երկաթե զութան¹⁵:

Կովկասում, այդ թվում և Հայաստանում, հարկային լուծն ու ֆեոդալական պարտոյթներն ավելի ծանր էին, քան ռուսական նահանգներում: Երևանի նահանգում պետական հողային հարկը, բահրա-տուրբը, զեմստովային տուրբը 1910 թ. կազմել է 977.9 հազար ռուբլի, 1913 թ.՝ 1177,0 հազար ռուբլի: Երկվանի նահանգի բնակչությունից զանձվող բոլոր տեսակի հարկերի ու տուրբերի գումարը 1913 թ. մոտ երկու միլիոն ռուբլու է հասել, Կարսի մարզից զանձվող գումարը՝ մեկ միլիոն ռուբլու:

Ցարական կառավարությունը ողջ Կովկասից զանձում էր տարեկան 14—15 միլիոն ռուբլու հարկ, իսկ տեղում կատարվող ծախսերը պետական զանձարանին նստում էր մոտավորապես 28—30 միլիոն ռուբլի: Այս թվացող տարբերությունը ցարական կառավարության ղեկավարները գործիչներին առիթ էր տալիս ամենուրեք հայտարարելու և աղմկելու Կովկասյան երկրամասը՝ Ռուսաստանի վրա թանկ նստելու մասին: Իրականում Կովկասից ստացվող եկամուտները մի քանի անգամ գերազանցում էին տեղում կատարված ծախսերը: Երկրամասից ստացվող ուղղակի և անուղղակի հարկերը և պետական այլ հասույթները, այդ թվում նավթահանքերից, պղնձի, մարգարիտների հանույթից ստացվածը կազմում էր տարեկան 120—125 միլիոն ռուբլի¹⁶:

Ռուսական առաջին հեղափոխությունից հետո Կովկասի փոխարքա Վոբոնցով-Դաշկովը, ելնելով երկրամասի տնտեսական և հասարակական զարգացման հասունացած պահանջներից, հարց հարուցեց Անդրկովկասում տեղական ինքնավարության մարմիններ՝ զեմստովներ մտցնելու մասին, 1907 թ. փոխարքան Նիկոլայ II-ին ներկայացրած իր «ամենահպատակ ղեկուցագրում» առաջարկում էր Անդրկովկասի համար հաստատել տալ ինքնավարության քառասուրճան սխտեմ՝ հիմնված ընտրական սկզբունքի վրա: Ըստ որում ինքնավարության առաջին և ստորին օղակը գյուղական հասարակության ժողովն էր լինելու, որին հաջորդելու էր տեղամասային զեմստովն: Հաջորդ օղակը գավառային զեմստովն էր, որից հետո գալիս էր Անդրկովկասյան ընդհանուր զեմստովն: Սակայն Պետական խորհուրդը, որին ներկայացվեց Վոբոնցով-Դաշկովի նախագիծը՝ սարսափած անդրկովկասյան ժողովուրդների սեպարատիստական տենդենցների խրտվիլակից, մերժեց այն: Հետագայում ևս Անդրկովկասում զեմստով մտցնելու մի շարք պահանջներ և նախագծեր ներկայացվեցին պետական ղումաներում, սակայն դրանք այնպես էլ կառավարական հաստատման չհասան¹⁷:

Ինչպես XIX դ. վերջին, այնպես էլ XX դ. սկզբին Հայաստանում շարունակում էր գերիշխել համայնական հողատիրությունը, որը, հարկավ, չէր կան-

15 ՏՃ՝ Մ. Զ. Այսեց, Հայաստանի ժողովրդական տնտեսությունը և հայ տնտեսագիտական միտքը XX դ. սկզբին, էջ 145:

16 ՏՃ՝ Նույն տեղում, էջ 100:

17 ՏՃ՝ Նույն տեղում, էջ 16—18:

խում գյուղացիության հետագա հողազրկության պրոցեսը Հայաստանի գյուղացիության ավելի քան 4 տոկոսը բոլորովին հող չունեի:

Ցարական կառավարությունը, ելնելով իր գաղութատիրական շահերից, շարունակում էր Ռուսաստանի կենտրոնական նահանգներից Անդրկովկաս, այդ թվում և Հայաստան, վերաբնակիչների փոխադրելու քաղաքականությունը: Կառավարությունն անտեսում էր այն փաստը, որ տեղական բնակչությունը տառապում էր սակավահողությունից: Այս քաղաքականության հետևանքով արդեն 1914 թ. Կարսի մարզում հաստատվեցին 3112, Ղազախի և Ջանգեզուրի գավառներում՝ 236 շունչ վերաբնակիչներ: Նույն թվականին իշխանությունները մտադրվում էին Ռուսաստանի ներքին նահանգներից Նրևանի նահանգ տեղափոխել ևս 2496 մարդ¹⁸:

Գյուղացիների քայքայման ղգալի շափով նպաստում էր նաև կառավարության ագրարային քաղաքականությունը, որը հիմնականում ստույգիային ռեֆորմների ուղղությամբ էր զարգանում: Կովկասյան վարչությունն ընդառաջելով ստույգիային ագրարային քաղաքականությանը, ամեն կերպ աջակցում էր կուլակության զարգացմանը: «Ժամանակավոր բնակվողների» մեջ փոքր տոկոս կազմող կուլակային ուռճացած տարրերին արտոնություններ շնորհելով փոխարքայության հողագործական մարմինները նրանց դարձնում էին հողատերեր և ճանաչում վերջիններիս իրավասությունը զանազան ճանապարհներով ձեռք բերած հողերի նկատմամբ: Կուլակության հետագա տնտեսական հզորացման, գյուղատնտեսությունը կապիտալիստական ուղիով տանելու նպատակին էր ծառայում նաև պետական գյուղացիական հողային քանկի մանր վարկի հիմնարկությունների ստեղծումն Անդրկովկասում և Հայաստանում:

1909 թ. փետրվարին Կովկասի փոխարքայությունն օրենքի նախագիծ մշակեց Անդրկովկասի կալվածատիրական, ինչպես նաև էլեմիաժնապատկան գյուղացիների «ժամանակավոր» պարտավորյալ, կախյալ հարաբերությունների վերացման մասին: Մինչև 1912 թ. ղեկտնմբերի 20-ը ցարի կողմից որպես օրենք հաստատվելը, այն բնարկման ենթարկվեց պետական աստիճանավորների ու կալվածատիրության ներկայացուցիչների կողմից, սակայն հաստատվեց այն շատ աննշան փոփոխություններով, հիմնականում սկզբնական ձևով, որ 1909 թ. նախատեսել էր փոխարքան¹⁹:

1912 թ. ղեկտնմբերի 20-ի օրենքով, որը կոչվում էր «Թիֆլիսի, Քութայիսի, Նրևանի, Նիխավնոպոլի, Բաքվի նահանգների ժամանակավոր պարտավորյալ, կախյալ գյուղացիների՝ կալվածատերերի նկատմամբ ունեցած հարաբերությունները զաղարեցնելու և պետության օժանդակությամբ հողաբաժինները պարտագիր կերպով ետ գնելու մասին», որոշվում էր 1913 թ. հունվարի 1-ից գյուղացիներին պարտադրել ետ գնելու իրենց հողերը որպես մասնավոր սեփականություն: Օրենքը վերաբերվում էր նաև էլեմիաժնի վանքապատկան հինգ գյուղերին (Վաղարշապատ, Օշական, Մաստարա, Եղվարդ և Մուղնի) և նրանց բնակիչներին ազատում վանքին տրվող գանձումներից: Անշուշտ պետությունն առաջին հերթին շահագրգռված էր կալվածատերերի շա-

18 Տե՛ս А. С. Амбарцум, *Указан. аз.», էջ 139—141:*

19 Տե՛ս Մ. Ա. Խոնդկալյան, Արեւիյան Հայաստանի ագրարային հարաբերությունների պատմությունից XIX դ. վերջ և XX դ. սկիզբ, Նրևան, 1974, էջ 151—153:

հերի պաշտպանությունը, ուստի և գանձաբանից հողի գինը տրվում էր միանվագ, իսկ էշմիածնի վանքին՝ տասը տարվա ընթացքում՝ տարեկան 21 հազար ուրլի²⁰, Նոր օրենքով, 1913 թ. հունվարի 1-ից մինչև գյուղի հողատիրներին հատկանշան արձանագրության վերջնական հաստատումը, կալվածատերերը պետական գանձարանից պետք է ստանալին իրենց հասանելի գումարի 4¹/₂ տոկոսը, իսկ հետագայում՝ ամբողջ գումարը:

1913 թ. հունվարի 1-ից գյուղացիները պարտքերն էին դրամով կամ բնամթերքով բահրայի վճարումը կալվածատիրոջը և հաշտարար միջնորդի կողմից կազմված նախնական հաշիվների հիման վրա վճարելու էին ետգնման գումարը պետությանը²¹, Պետական այդ «օժանդակությունը» գյուղացիները փոխհատուցելու էին 56, 41 և 28 տարիների ընթացքում, նայած թե որ գյուղի համար ինչպիսի ժամկետ էր սահմանվում համայնքի կողմից պարտքերը մարելու համար: 1912 թ. դեկտեմբերի 20-ի օրենքով Երևանի նահանգում փրկագանձան ենթակա հողերը կազմում էին 131121 գեպյատին և գնահատվում էին 5384336 ուրլի, իսկ էշմիածնապատկան գյուղերում, ինչպես նաև Լոռու, Զանգեզուրի ու Ղազարի հայկական շրջաններում եղածի հետ միասին փրկագանձվող ընդհանուր հողատարածությունը Հայաստանում կազմում էր 184202 գեպյատին, որի դրամական արժեքը հաշվվում էր 6993922 ուրլի²², Սակայն պետությունը կալվածատերերին վճարած փրկագումարի դիմաց գյուղացիներինց ստանալու էր ոչ միայն հողի գինը, այլև բաց թողած վարկի յուրաքանչյուր ուրլու դիմաց տոկոսներ՝ 56 տարվա ժամկետի համար 4,5 կոպեկ, 41 տարվա համար՝ 5 կոպեկ և 26 տարվա համար՝ 6 կոպեկ, որը տասնյակ տարիների ընթացքում աստիճանաբար ավելանալով կազմելու էր հսկայական մի գումար:

Այս բոլորից բխում է, որ 1912 թ. դեկտեմբերի 20-ի ռեֆորմը պետության կողմից՝ հօգուտ կալվածատերերի, գյուղացիության օրինականացված անխիղճ կողոպուտ էր և միաժամանակ շատ թերի բուրժուական բարենորոգում, որը նպատակ ուներ մշտապես զժգոհ և ալեկոծվող գյուղական բնակչության մեջ, հանձնի ունեոր շերտերի, սոցիալական հենարան գտնելու:

1912 թ. դեկտեմբերի 20-ի օրենքը, չնայած իր խիստ կալվածատիրական սահմանափակվածությանը, որոշ չափով օժանդակեց գյուղատնտեսության մեջ կապիտալիզմի զարգացմանը: Այս տեսակետից կարևոր նշանակություն ուներ այն հանգամանքը, որ պարտադիր նստուրալ բահրայի վերացման հետեւանքով մեծանում էր գյուղացիության շահագրգռվածությունը գյուղատնտեսության արտադրողականությունը բարձրացնելու գործում: Այժմ նախկինում ձևականորեն կախյալ հարաբերությունների մեջ գտնվող անհատական կուլակային տնտեսությունների համար ավելի մեծ հնարավորություններ էին ստեղծվում գյուղատնտեսության մեջ միջոցներ ներդնելու, ռացիոնալ-ապրանքային տնտեսություն վարելու: Կալվածատերերին տրվող նստուրալ բահրայից պետությանը տրվող դրամական վճարումներին անցնելը ևս զարկ էր տալիս ապրանքադրամական հարաբերությունների հետագա զարգացմանը գյուղում:

20 ՏՃ՝ Ս. Մ. Հովհաննիսյան, Ազրաբային հարցը Երևանի նախկին նահանգում, IIX դարի վերջին, IX դարի սկզբին, Երևան, 1949, էջ 115—117:

21 ՏՃ՝ Մ. Ա. Խոնդկալյան, Ելված աշխ., էջ 160—161:

22 ՏՃ՝ Մ. Ա. Աղաբեկ, Ելված աշխ., էջ 86—89:

Ինչպես ստույգիսյան ագրարային քաղաքականության այլ միջոցառումները, այնպես էլ 1912 թ. դեկտեմբերի 20-ի օրենքը չտվեց այն արդյունքները, ինչ նախատեսել էր ցարիզմը: Նախ շատ սահմանափակ տարածում ունեցող օրենքը և հետո գյուղացիների տնտեսական ուժերից վեր էր հողգնման բարձր վճարումների կատարելը: Արտադրողական ուժերի զարգացմանը շատ էին խանգարում նաև պետական գյուղացիներին հողի սեփականատեր շնանաչելը, պետական ծանր հարկերը և, որ ամենագլխավորն է՝ պահպանվում էր ճորտատիրության և աշխատավճարումների ամենահիմնական բազան՝ կալվածատիրական հողատիրությունը²³:

2. ՀԱՍԱՐԱԿԱԿԱՆ ԲԱՌՈՒՄՆԵՐԸ ԱՐԵՎԵԼԱՀԱՅ ԻՐԱԿԱՆՈՒԹՅԱՆ ՄԵՋ: ՉՈՐՐՈՐԴ ՊԵՏԱԿԱՆ ԴՈՒՄԱՆ

Ռուսական առաջին հեղափոխության, նրան հաջորդած ռեակցիայի, ապա հեղափոխական նոր վերելքի տարիները քննության ժամանակաշրջան հանդիսացան ոչ միայն համառուսաստանյան պրոլետարիատի և աշխատավոր գյուղացիության ու նրանց շահերն արտահայտող բոլշևիկների կուսակցության, այլև բուրժուական, մանր-բուրժուական կուսակցությունների և կազմակերպությունների համար:

Յարական իշխանությունները Նովոչերկասկ քաղաքում դաշնակցականների դեմ սկսած դատական նախաքննությունը փորձեցին օգտագործել ողջ հայ մտավորականությանը «սեպարատիզմի» մեջ մեղադրելու համար: Դաշնակցականների «գործի» կապակցությամբ ծագած աղմուկը, որ տևեց մի քանի տարի, հարմար առիթ էր ժողովուրդների ուշադրությունը սոցիալական խընդիրներից շեղելու համար:

«Դաշնակցության գործի» բուն քննությունն սկսվեց Պետերբուրգում Սենատի դատական ատյանում 1912 թ. հունվարի 17-ին: Մեղադրանքը՝ «հեղափոխական» գործունեության և իշխանության մի շարք ներկայացուցիչների սպանության համար ներկայացվում էր քրեական օրենսդրքի 102 հոդվածով: Մեղադրվող 159 մարդուց 9-ը բացակայում էին, 2-ը մահացել էին բանտում: Մեղադրյալների մեջ կային մի խումբ աչքի ընկնող դաշնակցական գործիչներ, շարքային դաշնակցականներ և անկուսակցական մարդիկ, ի շարս որոնց հայանի հայ կապիտալիստներ Ա. Մելիք-Ազարյանը, Շապուշիկյանը, Գենչոզյանը և ուրիշներ:

Դաշնակցականների հետ մեղադրյալի աթոռին նստած անկուսակցականների, այդ թվում մի երկու հայ կապիտալիստի առկայությունը պետք է բացատրել մի կողմից կեղծ փաստարկների հիման վրա կազմված դատական նախաքննությամբ, մյուս կողմից ցարական իշխանությունների միտումով՝ համահայկական բնույթ տալու դատավարությանը: Այդ չի նշանակում, իհարկե, որ կապիտալիստների մեջ չեն կարող լինել ահի կամ շահի նկատառումներով դաշնակցականներին զուամբներ տրամադրող, կամ նրանց համակրող հայ հարուստներ: Հենց այդ հարուստների ահաբեկված ազգականներն էին, որ իրենց քսակների բերանները լայն բաց էին արել և պաշտպանության հրավիրել ռուսական իրավաբանության ամենանշանավոր դեմքերին.

23 ՏՃ՝ Մ. Ա. Խոնդկարյան, նշված աշխ., էջ 169—171: